

Z A P I S N I K

sa III redovne sjednice Vijeća Univerziteta u Sarajevu - Građevinski fakultet, održane dana 20.10.2025. godine, sa početkom u 13.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici i saradnici:

Prof.dr.Samir Dolarević, Prof.dr.Esad Mešić, Prof.dr.Admir Mulahusić, Prof.dr. Đenari Čerimagić, Prof.dr. Emina Hadžić, Prof.dr.Amra Serdarević, Prof.dr.Naida Ademović, Prof.dr.Emil Ilić-Georgijević, Prof.dr.Mirza Pozder, Prof.dr. Jusuf Topoljak, Prof.dr.Nedim Tuno, Prof.dr.Anis Balić, Prof.dr.Suada Sulejmanović, Prof.dr.Goran Simonović, Prof.dr.Ismar Imamović, Prof.dr.Hata Milišić, Prof.dr.Žaneta Ljevo, Prof.dr.Senad Medić, Prof.dr.Haris Kalajdžisalihović, Prof.dr.Emina Hajdo, Doc.dr. Esad Vrce, Doc.dr.Dževad Krdžalić, Doc.dr. Džanina Omičević, Doc.dr.Ammar Šarić, Doc.dr.Alma Džubur, Doc.dr. Nerma Lazović, Doc.dr.Adis Hamzić, Doc.dr.Adil Muminović, Doc.dr. Samir Suljević, Viši asistent Damir Hasanspahić (Mat.), Viši asistent Nedim Kulo (G), Viši asistent Muamer Đidelić (G), Viši asistent Mladen Kapor (Geot.i geol.), Asistentica Amila Mujčinović (Geot. i geol.),Asistentica Amina Karavelić (K), Asistent Dževad Imamović (H),

Predstavnik nenastavnog osoblja: Mersiha Kvoco

Studenti: Imran Begović, Željko Lozančić

Ostali prisutni: sekretar Sabina Bajrić, dipl.prav.

ODSUTNI ČLANOVI:

Nastavnici i saradnici:

Prof.dr.Mustafa Hrasnica, Prof.dr.Azra Kurtović, Prof.dr.Suvada Šuvalija, Prof.dr.Sanjin Albinović, Prof.dr.Adis Skejić, Prof.dr. Emir Karavelić, Doc.dr.Ajla Mulaomerović-Šeta, Asistentica Selma Spahić (S)

Predstavnik nenastavnog osoblja: -----

Studenti: Bakir Kamenica

Dekan je predložio dopunjen sljedeći:

D N E V N I R E D:

- I Usvajanje Zapisnika sa II redovne sjednice Vijeća Univerziteta u Sarajevu – Građevinski fakultet, održane 13.10.2025. godine.
- II Izvještaj Komisije za pripremanje prijedloga za izbor u akademsko saradničko zvanje asistent za naučnu oblast "Konstrukcije" – jedan (1) izvršilac sa punim radnim vremenom;
- III Imenovanje Komisija za pripremanje prijedloga za izbor u akademsko saradničko zvanje asistent za naučnu oblast "Geodezija i geoinformatika" – jedan (1) izvršilac sa punim radnim vremenom;
- IV Izmjena Plana pokrivanja (realizacije) nastave na prvom (I) ciklusu studijskih programa građevinarstva i geodezije i geoinformatike u akademskoj 2025./2026. godine,
- V Imenovanje recenzenata za publikacije (knjige).
 - a) naslov publikacije (knjige) «Ispitivanje građevinskih konstrukcija I», autora prof.dr. Gorana Simonovića, dipl.inž.građ.
 - b) naslov publikacije (knjige) «Ispitivanje građevinskih konstrukcija II», autora prof.dr. Gorana Simonovića, dipl.inž.građ. i prof.dr.Senada Medića, dipl.inž.građ.

- VI** a) Saglasnost za angažman prof.dr. Emine Hadžić, dipl.inž.građ., u studijskoj 2025./2026. godini na Univerzitetu u Sarajevu – Centar za interdisciplinarne studije « prof.dr. Zdravko Grebo»,
- b) Saglasnost za angažman prof.dr. Hate Milišić, dipl.inž.građ., u studijskoj 2025./2026. godini na Univerzitetu u Sarajevu – Centar za interdisciplinarne studije « prof.dr. Zdravko Grebo»,
- c) Saglasnost za angažman doc.dr. Ammara Šarića, dipl.inž.građ., u studijskoj 2025./2026. godini na Univerzitetu u Sarajevu – Centar za interdisciplinarne studije « prof.dr. Zdravko Grebo»,
- VII** Prijedlog za Izmjene i dopune Pravilnika o načinu osnivanja i utvrđivanju visine naknade za rad komisija Građevinskog fakulteta Univerziteta u Sarajevu

VIII Razno

Ad/I

Članovi Vijeća su pozvani da se izjasne o Zapisniku sa II redovne sjednice Vijeća Univerziteta u Sarajevu – Građevinski fakultet, održane 13.10.2025. godine.

Na Zapisnik sa II redovne sjednice Vijeća Univerziteta u Sarajevu – Građevinski fakultet, održane 13.10.2025. godine, nije bilo primjedbi, te je isti jednoglasno usvojen.

Ad/II

Komisija za pripremanje prijedloga za izbor u akademsko saradničko zvanje asistent za naučnu oblast «Konstrukcije», imenovana Odlukom Vijeća u sastavu: Dr.sc. Esad Mešić, dipl.inž.građ. – redovni profesor Univerziteta u Sarajevu – Građevinski fakultet (naučna oblast: „Konstrukcije“), predsjednik Komisije; Dr.sc. Samir Dolarević, dipl.inž.građ. – redovni profesor Univerziteta u Sarajevu – Građevinski fakultet (naučna oblast: „Konstrukcije“), član Komisije i Dr.sc. Ismar Imamović, dipl.inž.građ. – vanredni profesor Univerziteta u Sarajevu – Građevinski fakultet (naučna oblast: „Konstrukcije“), član Komisije, podnijela je pisani Izvještaj Vijeću.

Komisija je konstatovala da se na Konkurs za izbor u akademsko saradničko zvanje asistent za naučnu oblast «Konstrukcije», objavljen dana 27.09.2025. godine u dnevnim novinama “Dnevni avaz” i web stranici Univerziteta u Sarajevu – Građevinski fakultet i Univerziteta u Sarajevu, u utvrđenom roku, prijavio kandidat Mr Vedad Golubić, dipl.inž.građ. i da je prijava imenovanog potpuna, prema uvjetima konkursa za izbor u akademsko saradničko zvanje asistent i prema odredbama Zakona o visokom obrazovanju ("Sl.novine Kantona Sarajevo", br. 36/22, 28/25) i Statuta Univerziteta u Sarajevu, te pripremila Vijeću Univerziteta u Sarajevu - Građevinski fakultet Izvještaj sa zaključkom i prijedlogom za izbor.

Komisija je predložila Vijeću Univerziteta u Sarajevu – Građevinski fakultet da usvoji Izvještaj Komisije za pripremanje prijedloga za izbor u akademsko saradničko zvanje asistent za naučnu oblast «Konstrukcije» i utvrdi prijedlog da se Mr Vedad Golubić, dipl.inž.građ. izabere u akademsko saradničko zvanje asistent za naučnu oblast «Konstrukcije» na Univerzitetu u Sarajevu – Građevinski fakultet.

Nakon upoznavanja sa Izvještajem Komisije za pripremanje prijedloga za izbor u akademsko saradničko zvanje asistent za naučnu oblast «Konstrukcije» i tajno provedenog glasanja, Vijeće Univerziteta u Sarajevu–Građevinski fakultet je sa većinom glasova od ukupnog broja članova Vijeća (43 glas “ZA”) donijelo sljedeću

ODLUKU

I

Usvaja se Izvještaj Komisije za pripremanje prijedloga za izbor u akademsko saradničko zvanje asistent za naučnu oblast «Konstrukcije», zaveden pod brojem: 03-2-817-17/25 od 13.10.2025.godine.

II

Utvrdjuje se prijedlog za izbor **Mr Vedada Golubića, dipl.inž.građ.** u akademsko saradničko zvanje asistent za naučnu oblast «Konstrukcije» na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/III

Na prijedlog Odsjeka za geodeziju i geoinformatiku, Vijeće je donijelo sljedeću

ODLUKU
o imenovanju Komisije za pripremanje prijedloga
za izbor u akademsko saradničko zvanje asistent

I

U Komisije za pripremanje prijedloga za izbor u akademsko saradničko zvanje asistent za naučnu oblast „Geodezija i geoinformatika“, jedan izvršilac sa punim radnim vremenom, po Konkursu objavljenom u dnevnim novinama „Dnevni avaz“, web stranici Univerziteta u Sarajevu – Građevinski fakultet i Univerziteta u Sarajevu, dana 27.09.2025.godine, imenovani su kao slijedi:

- 1.) Dr.sc. Esad Vrce, dipl.inž.geod. – docent na Univerzitetu u Sarajevu – Građevinski fakultet (naučna oblast: „Geodezija i geoinformatika“), predsjednik Komisije
- 2.) Dr.sc. Džanina Omićević, dipl.inž.geod. – docentica na Univerzitetu u Sarajevu – Građevinski fakultet (naučna oblast: „Geodezija i geoinformatika“), član Komisije
- 3.) Dr.sc. Adis Hamzić, dipl.inž.geod. – docent na Univerzitetu u Sarajevu – Građevinski fakultet (naučna oblast: „Geodezija i geoinformatika“), član Komisije

II

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa odredbama Zakona o visokom obrazovanju („Sl. novine Kantona Sarajevo“, br.: 36/22, 28/25) i odredbama Statuta Univerziteta u Sarajevu (br. 01-14-35-1/23 od 26.07.2023.godine), tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 30 dana od dana imenovanja.

Ad/IV

Zbog odustajanja od saradnje prof.dr. Amina Hadžibegić u realizaciji nastave na prvom (I) ciklusu studijskog programa građevinarstvo i studijskog programa geodezije i geoinformatike u akademskoj 2025./2026. godine, ukazala se potreba za izmjenom Plana pokrivanja (realizacije) nastave na predmetu „Engleski jezik“ na prvom (I) ciklusu studijskog programa građevinarstvo i studijskog programa geodezije i geoinformatike u akademskoj 2025./2026. godini.

U skladu sa naprijed navedenim Vijeće je donijelo sljedeće odluke:

a)

ODLUKA

I

Utvrdjuje se prijedlog izmjene Plana pokrivanja (realizacije) nastave na prvom (I) ciklusu studijskog programa građevinarstvo i studijskog programa geodezije i geoinformatike u akademskoj 2025./2026. godine, kako slijedi:

I ciklus studija	Predmet	Prethodni nastavnik	Prijedlog
Studijski program Građevinarstvo Studijski program Geodezije i geoinformatike	Engleski jezik	Prof.dr. Amina Hadžibegić	Van.prof.dr. Nadira Aljović

II

Prijedlog Odluke dostaviti Senatu Univerziteta u Sarajevu na dalji postupak.

b)

O D L U K U

o angažmanu nastavnika sa druge visokoškolske ustanove bez zasnivanja radnog odnosa

I

Utvrđuje se prijedlog za angažman akademskog osoblja sa druge visokoškolske ustanove, bez zasnivanja radnog odnosa kako slijedi:

- dr. Nadira Aljović, vanredna profesorica na Filozofskom fakultetu Univerziteta u Zenici, za realizaciju nastave na predmetu „Engleski jezik“, na prvom (I) ciklusu studijskog programa građevinarstvo i studijskog programa geodezije i geoinformatike u akademskoj 2025./2026. godine.

II

Odluku dostaviti Senatu Univerziteta u Sarajevu u svrhu donošenja odgovarajuće odluke o saglasnosti za angažman u skladu sa odredbama Zakona o visokom obrazovanju ("Sl. novine Kantona Sarajevo", br.: 36/22, 28/25).

Ad/IV

Na prijedlog Komisije za izdavačku djelatnost, Vijeće je donijelo sljedeću

O D L U K U

I

Za recenzente za publikaciju (udžbenik) naslova *«Ispitivanje građevinskih konstrukcija I»*, autora prof.dr. Gorana Simonovića, dipl.inž.građ. i za publikaciju (udžbenik) naslova *«Ispitivanje građevinskih konstrukcija II»* autora prof. dr. Gorana Simonovića, dipl.inž.građ. i koautora prof. dr. Senada Medića, dipl.inž.građ. imenuju se:

- Prof.dr. Mustafa Hrasnica, dipl.inž.građ., redovni profesor Univerziteta u Sarajevu-Građevinski fakultet, oblast Konstrukcije.
- Prof.dr. Samir Dolarević, dipl.inž.građ., redovni profesor Univerziteta u Sarajevu-Građevinski fakultet, oblast Konstrukcije.

II

Recenzije trebaju biti sačinjene u skladu sa odredbama Pravilnika o izdavačkoj djelatnosti Univerziteta u Sarajevu – Građevinski fakultet od 10.06.2025.godine u formi Prilog 2 - Obrazac 2 - Recenzija rukopisa. Recenzija treba da sadrži:

- podatke o recenzentu (ime i prezime, akademsko zvanje, matičnu ustanovu, adresu stanovanja i potpis);
- podatke o recenziranom rukopisu (ime i prezime autora, naslov, vrstu rukopisa, za koga je rukopis namijenjen i obim rukopisa);
- mišljenje o rukopisu (u kojoj mjeri jer riječ o izvornom djelu, da li je djelo metodički prilagođeno predmetu, da li se autor služio odgovarajućom literaturom i da li je priložen popis iste, postoje li druga djela sličnog sadržaja i kvaliteta i namjene, da li je terminologija i mjerne jedinice usklađena sa postojećim propisima i praksom, da li je rukopis iznesen pregledno i jasno u sadržajnom i jezičnom smislu);
- zaključak i ocjena rukopisa, prijedlog vrste publikacije, prijedlog za eventualne potrebne ispravke i promjene u djelu i završna ocjena s preporukom za i protiv prihvatanja publikacije i ostale podatke iz Pravilnika o izdavačkoj djelatnosti Univerziteta u Sarajevu – Građevinski fakultet od 10.06.2025.godine - Prilog 2 - Obrazac 2 - Recenzija rukopisa.

Recenzenti će recenzije dostaviti Vijeću Univerziteta u Sarajevu – Građevinski fakultet.

Ad/VI

a) Rješavajući po Zahtjevu za saglasnost za angažman prof.dr. Emine Hadžić, dipl.inž.građ., Vijeće je donijelo

O D L U K U

**o saglasnosti za angažman na drugoj organizacionoj jedinici
Univerziteta u Sarajevu**

Daje se saglasnost prof.dr. Emini Hadžić, dipl.inž.građ., zaposlenoj na Univerzitetu u Sarajevu – Građevinski fakultet, sa punim radnim vremenom, za angažman u realizaciji nastavnonaučnog procesa na Univerzitetu u Sarajevu – Centar za interdisciplinarne studije «prof.dr. Zdravko Grebo» na master studiju „Zaštita od prirodnih katastrofa“ u akademskoj 2025/26.godini:

- za nastavni predmet: „Upravljanje rizicima od prirodnih katastrofa“ - u I semestru master studija, sa 4 časa predavanja u semestru;
- za nastavni predmet: „Zaštita od voda i održivi razvoj“ - u II semestru master studija, sa 4 časa predavanja u semestru;
- za radionicu: „Kreiranje platforme zajedničkog djelovanja u slučaju prirodnih katastrofa“ - u I semestru master studija, sa 4 časa predavanja u semestru.

b) Rješavajući po Zahtjevu za saglasnost za angažman prof.dr. Hate Milišić, dipl.inž.građ., Vijeće je donijelo sljedeću

O D L U K U

**o saglasnosti za angažman na drugoj organizacionoj jedinici
Univerziteta u Sarajevu**

Daje se saglasnost prof.dr. Hati Milišić, dipl.inž.građ., zaposlenoj na Univerzitetu u Sarajevu – Građevinski fakultet, sa punim radnim vremenom, za angažman u realizaciji nastavnonaučnog procesa na Univerzitetu u Sarajevu – Centar za interdisciplinarne studije «prof.dr. Zdravko Grebo» na master studiju „Zaštita od prirodnih katastrofa“ u akademskoj 2025/26.godini:

- za nastavni predmet: „Vodno – okolišni problemi u slučaju prirodnih katastrofa“ - u I semestru master studija, sa 4 časa predavanja u semestru;

c) Rješavajući po Zahtjevu za saglasnost za angažman doc.dr. Ammara Šarića, dipl.inž.građ., Vijeće je donijelo sljedeću

O D L U K U

**o saglasnosti za angažman na drugoj organizacionoj jedinici
Univerziteta u Sarajevu**

Daje se saglasnost doc.dr. Ammaru Šariću, dipl.inž.građ., zaposlenoj na Univerzitetu u Sarajevu – Građevinski fakultet, sa punim radnim vremenom, za angažman u realizaciji nastavnonaučnog procesa na Univerzitetu u Sarajevu – Centar za interdisciplinarne studije «prof.dr. Zdravko Grebo» na master studiju „Zaštita od prirodnih katastrofa“ u akademskoj 2025/26.godini:

- za nastavni predmet: „Vodno – okolišni problemi u slučaju prirodnih katastrofa“ - u I semestru master studija, sa 4 časa predavanja u semestru.

Ad/VII

Prodekan za finansije je obavijestio Vijeće da se ukazala potreba da se pitanje osoba zaduženih za realizacije postupaka javnih nabavki uredi na drugačiji način. S tim u vezi u Komisiju za javne nabavke bit će angažovan vanjski saradnik, odnosno osoba koja nije u radnom odnosu na fakultetu, a bit će zadužena za realizaciju određenih postupaka javnih nabavki, a druge postupke će realizovati članovi Komisije za javne nabavke koji su zaposlenici fakulteta. Kako bi se to realiziralo, predložio je izmjenu Pravilnika o načinu osnivanja i utvrđivanju visine naknade za rad komisija Građevinskog fakulteta Univerziteta u Sarajevu, nakon čega će dekan donijeti odgovarajući akt o imenovanju Komisije za javne nabavke.

Vijeće je prihvatilo prijedlog i donijelo sljedeću

O D L U K U

**o izmjeni Pravilnika o načinu osnivanja i utvrđivanju visine naknade za rad komisija
Građevinskog fakulteta Univerziteta u Sarajevu**

I

U Pravilnika o načinu osnivanja i utvrđivanju visine naknade za rad komisija Građevinskog fakulteta Univerziteta u Sarajevu vrše se sljedeće dopune:

U članu 5 stav (1) tačka a) mijenja se i glasi:

„a) Komisija za javne nabavke se utvrđuje naknada kako slijedi:

- vanjskom saradniku koji nije u radnom odnosu na Univerzitetu u Sarajevu – Građevinski fakultet, a angažuje u Komisiju za javne nabavke se zbog svoje stručnosti sa druge organizacione Univerziteta u Sarajevu, za obavljanje poslova javnih nabavki na Univerzitetu u Sarajevu – Građevinski fakultet u sljedećim postupcima:

- pregovarački postupak
- konkurentski postupak
- otvoreni postupak
- okvirni sporazum

utvrđuje se mjesečna naknada u iznosu od neto 500,00 KM (pestotina KM).

- članu Komisije za javne nabavke se za obavljanje poslova javnih nabavki na Univerzitetu u Sarajevu – Građevinski fakultet u sljedećim postupcima: postupak direktnog sporazuma- Narudžba, postupak direktnog sporazumu-ugovor i postupci po Aneksu II, utvrđuje se mjesečna naknada u iznosu od neto 250,00 KM (dvijestotinepedeset KM).

- sekretaru Komisiju za javne nabavke, bez prava glasa, koji vrši administrativne poslove za komisiju, priprema zapisnik sa sastanka Komisije i izvještaj o radu Komisije, vodi dokumentaciju i vrši druge poslove koje zahtjeva predsjedavajući i članovi Komisije, utvrđuje se mjesečna naknada u iznosu od neto 150,00 KM (stotinupedeset KM).

Ukoliko u pojedinim postupcima nastanu troškovi eventualnog žalbenog postupka na teret Univerziteta u Sarajevu – Građevinski fakultet, u svakom konkretnom slučaju će odgovarajućom odlukom dekana Univerziteta u Sarajevu – Građevinski fakultet biti utvrđeno eventualno umanjeње naknade za članove Komisija za javne nabavke koju su bili zaduženi za provođenje predmetnog postupka.

Rješenje o imenovanju Komisije za javne nabavke za svaku budžetsku godinu donosi dekan Univerziteta u Sarajevu – Građevinski fakultet.

U članu 5 stav (1) - u članu 5 stav (5) se briše.“

II


Ostali dio Pravilnika o načinu osnivanja i utvrđivanju visine naknade za rad komisija Građevinskog fakulteta Univerziteta u Sarajevu ostaje nepromjenjen.

Ad/VIII

Po ovoj tački Dnevnog reda nije bilo prijedloga, primjedbi i pitanja.

Sjednica Vijeća završena u 13.40 sati.

Zapisnik vodila
Sabina Bajrić, dipl.prav.



Prof.dr. Samir Dolarević, dipl.inž.grad.



02-4-2068-2/15

24.10.2015